



Affischa

Suprastanza cumünala dals 9.4.2018

Presidi: Peer-Puorger Victor
Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco
Fabrica: Paulmichl-Rodigari Albin
Giast/s:

tractandas	tema	responsabel
37	0120 Executiva Acconsentimaint protocol	
38	0220 Uffizi da fabrica Dum. da fabrica no. 012/2018, sanaziuns termicas, fatschadas in lain, Graf Hannes, parcella no. 6103, Chà d'Prà 1-143A, 7558 Strada	vp/ap
39	0220 Uffizi da fabrica Dum. da fabrica 007/2015, fabrichar oura chasa e tablà, fouras geotermicas per pompa da chalur, "Genossenschaft offener Geist", c/o Kellenberger Urs, parcella no. 6409, Samalgors, 7559 Tschlin Müdamaint da projet	vp/ap
40	0220 Uffizi da fabrica Dum. da fabrica no. 011/2018, masüras da refacziun e masüras substitutivas, Gmür Luigi, parcelas no. 11417 e 12018, Plan Vnà, Sot Döss , 7556 Ramosch	vp/ap
41	2100 Scoula Scoula	vp/ak
42	1620 Defaisa civila generala Protecziun civila Equipamaint schler da protecziun	vp/ap
43	8110 Agricoltura Reglamaint da sauaziun Valsot	vp/uc
44	0220 Uffizi da fabrica Proget via da velos Ischla Rov - Strada	vp/ap
45	0120 Executiva Orientaziuns	tuots
46	0120 Executiva Varia (suprastanza cumünala)	tuots

0120 Executiva

37 **Acconsentimaint protocol**

Il protocol da la sezzüda dals 19 marz 2018 vegn approvà.

0220 Uffizi da fabrica

38 **Dum. da fabrica no. 012/2018, sanaziuns termicas, fatschadas in lain, Graf Hannes, parcella no. 6103, Chà d'Prà 1-143A, 7558 Strada**

Previs esa da munir las fatschadas in lain da larsch indigen e da megliorar l'isolaziun da la chasa. Ultra da quai vegnan allontanats ils uschèls e dozzà il tet per 95 cm. Las paraids da la chasa dvaintan per 40 cm plü largias.

La direcziun ha pretais ün parair da la cusgliadra da fabrica. Quella valüta la situaziun sco positiva e manzuna cha cullas masüras previssas subischa l'object per bainquant ün meglder aspet sco fabricat modern.

La cumpruova d'energia, la declaranza d'allontanamaint davart da l'uffizi per la natüra ed ambiaint sco eir il permiss davart da l'uffizi da pulizia da fö sun avantman.

La suprastanza conceda il permiss da fabrica. Ella metta cundiziun, cha l'aspet intuorn chasa dess gnir megliorà.

0220 Uffizi da fabrica

39 **Dum. da fabrica 007/2015, fabrichar oura chasa e tablà, fouras geotermicas per pumpa da chalur, "Genossenschaft offener Geist", c/o Kellenberger Urs, parcella no. 6409, Samalgors, 7559 Tschlin**
Müdamaint da proget

Il müdamaint da proget es gnü publichà ed eir profilà. I nu sun entradas ingünas protestas. Las fatschadas subischan latras ün megldramaint da l'aspet ed il purtret dvainta plü quiet.

Il permiss pellas fouras geotermicas e quel davart da l'uffizi da pulizia da fö sun avantman.

La suprastanza conceda il permiss da fabrica.

0220 Uffizi da fabrica

40 **Dum. da fabrica no. 011/2018, masüras da refacziun e masüras substitutivas, Gmür Luigi, parcellas no. 11417 e 12018, Plan Vnà, Sot Döss , 7556 Ramosch**

Il manzunà sto uossa remetter ils dons chaschunats illa cuntrada ed ha inoltrà la dumonda da fabrica pel proceder dal BAB, quai sün pretaisa davart da l'uffizi per la natüra ed ambiaint. La lavuors da refacziun ston gnir effectuadas seguond il parair concepì da l'Arinas environment. La suprastanza es perincletta culla fatschenda e decida d'invier inavant la dumonda al Chantun.

Ella metta cundiziun, chi gnia trat nanpro ün accumpognamaint da fabrica pel ambiaint (Umweltbaubegleitung) neutral ed independent. Plünavant ha la cumischiun da fabrica cumpletta il formular da dumonda culla remarcha, cha'l rapport erigi da l'Arinas environment fuorma üna part integrala da las lavuors previssas – suot chapitel «Bauliche Gestaltung».

2100 Scoula

41 **Scoula**

Quista fatschenda suottastà al secret d'uffizi.

1620 Defaisa civila generala

42 **Protecziun civila**

Equipamaint schler da protecziun

Davart da l'uffizi da militar e protecziun civila sun gnüdas fattas controllas a reguard la prontezza da pudair retrar ils refügis publics in cas da catastrofes. L'uffizi racumanda als cumüns d'equipar lur defaisas civilas cun lets, mataratschs, cuvertas da lana e plümatschs. I'l fratemp as haja scleri cul Chantun quanta munaida chi sta a disposiziun our dal conto da reserva da nos cumün. Il saldo s'amunta a ca. frs. 55'000.00. Seguond sclerimaint cul uffizi ston per nos cumün gnir equipadas almain 250 plazzas in möd

cha quellas sun prontas in cas da necessità. L'offerta per quai demuossa cuosts da ca. frs. 40'000.00, uschè cha'l saldo restant importa amo var frs. 15'000.00.

La supastanza decida d'aquistar l'equipamaint seguond l'offerta la plü favuraivla e da retrar la somma da frs. 40'000.00.

8110 Agricoltura

43 **Reglamaint da sauaziun Valsot**

Davart da la cumischiun agricula es gnü concepi ün sböz per ün reglamaint chi regla l'organisaziun, la gestiun e'l mantegnimaint da las sauaziuns sül territori dal cumün da Valsot.

La supastanza til repassa. Our da la discussiun resulta, chi ston gnir fats divers adattamaints e cha'l reglamaint sto gnir cumpletà cun ün plan da sauaziun e da perimeter. Plünavant ston las incumbenzas e la respunsabilità gnir regladas cler in basa d'ün quadern da dovoirs. Cur cha tuot es miss in net gnarà la fatschenda suottamissa a la supastanza pel acconsentimaint.

Da remarchar es eir il fat, cha plüs paur possedan üna sauaziun privata e cha quels ston procurar sves il permiss pella retratta da l'aua. In quist sen vain quai infuormà in scrit a la meglioraziun.

0220 Uffizi da fabrica

44 **Proget via da velos Ischla Rov - Strada**

Il manader tecnic, Albin Paulmichl, infuormescha sur da la sezzüda ch'el e'l capo han gnü culs respunsabels da l'Energia Engiadina a regard ils drets da passagi cun lingias da forz'electricas cha la supastanza vaiva concess. Quels prevezessan, sül traject dad Ischla Rov fin Strada, da cumbinar lur lavuors cun quellas dal cumün a regard la construcziun da la via da velos e d'installar là lur büschens. Quel fat chaschuna però cha'l cumün sto uossa incumbenzar ad ün büro d'indschegner da planisar la via e preparar la dumonda da fabrica pel proceder dal BAB. Il manader tecnic procura offertas pellas lavuors manzunadas. Davopro vain la fatschenda trattada danouv da la supastanza.

La supastanza va daperüna cun quai.

0120 Executiva

45 **Orientaziuns**

Uniun dals Grischs

Quella invida a la radunanza generala, chi ha lö als 21 d'avrigl 2018 a Samedan. La documainta vain surdatta al suprastant dal dicasteri, Armon Kirchen, chi farà part.

Pumpiers – Muttler

La suprastanta dal dicasteri, Ursina Caviezel, vaiva fat part ad üna sezzüda da la cumischiun ed infuormescha lasupra. Il problem es, cha'l nomer da pumpiers da nos corp resta suot la directiva da la sgüranza d'edifizis, quai adonta cha quist on as poja registrar 12 novs pumpiers (54 pumpiers impè da 60). Our da quel motiv propuona la cumischiun a la supastanza da dozzar l'età da l'oblig da 42 sün 45 ons.

Plünavant vain infuormà, cha per quist on nu sarà quai pussibel da tgnair aint il preventiv, causa l'aquist da l'equipamaint cumplet per 12 pumpiers. La fatschenda vain tractandada pella prosma sezzüda.

Uffizi forestal / aquist d'ün fil a schlitra cun charin a lunga distanza

Il vicecapo e respunsabel dal dicasteri, Armon Mayer, infuormescha sur da l'aquist dal fil cun sua portanta e da tracziun e cun char dubel. La direcziun ha decis da surdar las incumbenzas.

I'l preventiv per quai d'eira previs ün import da frs. 380'000.00. Ils cuosts, incl. il charin pella sua s'amuntaran a ca. frs. 305'000.00.

0120 Executiva
46 **Varia (suprastanza cumünala)**

Chasa da scuola Tschlin

Armon Kirchen manzuna il problem d'access illa sala polivalenta per persunas impedidas chi regna là. Quai as haja constatà ün'ulteriura jada a chaschun da l'ultim concert. I füss d'examinar l'installaziun d'ün ascensur. La suprastanza prevezza d'examinar la fatschenda in basa d'offertas.

7556 Ramosch, 16.04.2018



Il capo:

Il manader administraziun: